



Centrotrans®

Dioničko društvo za prijevoz putnika, turizam i trgovinu Sarajevo

OPĆINA VOGOŠĆA

Općinsko Vijeće

Služba za privredu, integrisani lokalni
razvoj i društvene djelatnosti

Fn: Općina Vogošća-stanje prijevoza

Broj: 1/3612/26

Sarajevo, 03.06.2026.

PREDMET: Informacija o učešću Centrotransa u obavljanju prijevoza građana Općine Vogošća

Poštovani,

Na osnovu Vašeg Zahtjeva broj: 03-27-SI/26 od 14.05.2026. godine za dostavljanje podataka o stanju prijevoza građana Općine Vogošća i planovima za poboljšanje prijevoza u narednom periodu, a koji se odnose na prijevoz koji obavlja kompanija Centrotrans d.d. Sarajevo, dostavljamo Vam sljedeće:

1. STANJE PRIJEVOZA NA PODRUČJU OPĆINE VOGOŠĆA

Centrotrans d.d. kroz održavanje registrovanih redova vožnji, trenutno Općinu Vogošća povezuje na sljedeći način:

- ✓ ***U okviru kantonalnog prijevoza*** Općina Vogošća povezana je direktnim linijama sa sljedećim mjestima: Sarajevo, Ilijaš, Lješevu, Donja Vogošća i Kamenica.
- ✓ ***U okviru prigradsko - gradskog prijevoza*** Općina Vogošća povezana je sa sljedećim mjestima: Sarajevo, Kakanj, Ilijaš, Breza, Visoko i Vareš.
- ✓ ***U okviru međugradskog, međuentitetskog i međunarodnog prijevoza*** Općina Vogošća je povezana sa sljedećim mjestima: Olovo, Tuzla, Zvornik, Gradačac, Orašje, Brčko, Bijeljina i Beograd, odnosno sa mjestima i gradovima koji su na putnim pravcima za navedena krajnja odredišta.
- ✓ ***U okviru vanlinijskog prijevoza*** ostvarujemo izrazito dobru suradnju sa školama, općinskim službama i sindikatom općine Vogošća, te udruženjima građana i sport-kim organizacijama, gdje permanentno dajemo niže cijene prijevoza u cilju pomoći navedenim udruženjima i sportskim kolektivima.

U ovoj informaciji želimo posebno naglasiti da sve linije održavamo maksimalno odgovorno i redovno, osim određenih kašnjenja uzrokovanih velikim saobraćajnim gužvama koje se stvaraju u jutarnjim i poslijepodnevnim satima.



Centrotrans d.d. Sarajevo, Sjedište: Sarajevo, ul. Kurta Schorka 14.

Telefon: +387 33 720 801, Fax: +387 33 720 853

Rješenje o reg. br. 065-0-Reg-21-002479 Općinski sud Sarajevo, ID: 4200153220003;

Transakcijski računi: UniCredit banka: 3783202251241969, ASA banka: 1346101002793289

www.centrotrans.com; info@centrotrans.com



ISO 9001:2015
ISO 14001:2015

1.1. Pregled polazaka iz Općine Vogošća prema gradovima i susjednim naseljenim mjestima u okviru svih autobusnih linija koje održava Centrotrans :

Red. broj	Grad-odredište	Ukupno polazaka ka odredištu	Kantonalne linije	Federalne prigradske linije	Federalne/Međuentitetske / međugradske linije	Međunarodne linije
1.	Sarajevo	328	264	47	17	
2.	Ilijaš	95	51	44		
3.	Liješevo	28	6	22		
4.	Kamenica	4	4			
5.	Dragoradi	1	1			
6.	Kakanj	19		19		
7.	Visoko	22		22		
8.	Breza	22		22		
9.	Vareš	13		13		
10.	Olovo	18		1	17	
11.	Tuzla	15			15	
12.	Gradačac	2			2	
13.	Orašje	1			1	
14.	Zvornik	1			1	
15.	Bijeljina	2			2	
16.	Brčko	3			3	
	UKUPNO	574	326	190	58	0

1.2. Veza Općine Vogošća sa susjednim gradovima i naseljenim mjestima u okviru prigradsko - gradskog prijevoza je sljedeća:

- ✓ Sarajevo – 311 polazaka.
- ✓ Ilijaš – 95 polazaka.
- ✓ Kakanj – 19 polazaka.
- ✓ Visoko – 22 polazaka.
- ✓ Breza – 22 polazaka.
- ✓ Vareš – 13 polazaka.
- ✓ Kamenica – 4 polazak.
- ✓ Dragoradi – 1 polazak.

1.3. Veza Općine Vogošća sa susjednim gradovima i naseljenim mjestima u okviru međugradskog, međuentitetskog i međunarodnog prijevoza je sljedeća:

- ✓ Sarajevo – 17 polazaka.
- ✓ Olovo – 18 polazaka.
- ✓ Tuzla – 15 polazaka.
- ✓ Zvornik – 1 polazak.
- ✓ Gradačac – 2 polazaka.
- ✓ Orašje – 1 polazak.
- ✓ Brčko – 3 polazaka.
- ✓ Bijeljina – 2 polazaka.

1.4. U okviru Gradskog prijevoza Općina Vogošća je povezana na slijedeći način:

- **Sutjeska - Vogošća** - 78 polazaka iz Vogošće za Sutjesku i isti broj polazaka iz Sutjeske za Vogošću. **Od 05:30 do 23:30** polasci na navedenoj liniji su u intervalima od 10, 15 i 20 min u skladu sa registrovanim redom vožnje.
- **Sutjeska - Donja Vogošća** - 7 polazaka iz Donje Vogošće za Sutjesku i isti broj polazaka iz Sutjeske za Donju Vogošću. **Od 06:15 do 15:15** polasci na navedenoj liniji su u intervalima od 30, 60 i 90 min u skladu sa registrovanim redom vožnje.
- **Stup - Vogošća** - ukupno 34 polaska i to 17 polazaka sa Stupa i 17 polazaka iz Vogošće. Od 06:00 do 22:00 sati polasci na navedenoj liniji su u intervalima od 60 minuta.
- **Sutjeska - Ilijaš** - ukupno 51 polazak i to 34 polaska iz Sutjeske za Ilijaš i isti broj iz Ilijaša za Sutjesku i 17 polazaka na relaciji Sarajevo - Ilijaš - Sarajevo. **Od 06:00 do 23:00** polasci na navedenoj liniji su u intervalu od 30 min u skladu sa registrovanim redom vožnje.
- **Sutjeska - Lješevo** - 5 polazaka iz Sutjeske za Lješevo i isti broj polazaka iz Lješeva za Sutjesku u skladu sa registrovanim redom vožnje.
- **Park - Šip - Bušća** - područje naselja Bušće i Kobilje Glave povezano je sa gradom Sarajevo i terminalom Park sa 17 polazaka u smjeru prema Sarajevu i 17 polazaka u smjeru prema naselju Bušća. Linija saobraća od 6:30 do 22:30 sa prvim polaskom iz Bušće u 6:30 i posljednjim polaskom iz Parka u 22:30. Linija se održava u skladu sa registrovanim redom vožnje.
- **Sutjeska - Orahov brijeg** - linija se obavlja sa 13 polazaka iz Sutjeske za Orahov brijeg i isti broj polazaka iz Orahovog brijega za Sutjesku. Linija saobraća od 06:00 do 20:00 sati i održava u skladu sa registrovanim redom vožnje.

1.5. Broj zaposlenih građana sa područja Općine Vogošća u Centrotrans dd

U Društvu Centrotrans, trenutno **je zaposleno 45 uposlenika** (9 žena i 36 muškaraca) koji imaju mjesto stanovanja na području općine Vogošća, a koji rade poslove od ključnih rukovodećih mjesta, stručnih poslova visokoobrazovanih kadrova i administracije, do operativnih poslova u segmentu saobraćaja i održavanja kapaciteta.

I dalje imamo namjeru angažovati uposlenike sa područja općine Vogošća, zavisno od povećanja obima prijevoza. Smatramo da smo na ovaj način, pored usluge prijevoza koju vršimo, najviše pomogli građanima Općine, jer je poznata činjenica da je zapošljavanje najveći doprinos društvenoj zajednici.

2. AKTIVNOSTI NA POBOLJŠANJU PRIJEVOZA PUTNIKA NA PODRUČJU OPĆINE VOGOŠĆA

Od kada smo uključeni u gradski prijevoz, odnosno kantonalni prijevoz koji direktno povezuje središte općine Vogošća s centrom Sarajeva, Centrotrans ulaže maksimalne napore za poboljšanje prijevoza građana ove općine.

U cilju poboljšanja svih vrsta usluga, u kontinuitetu provodimo niz aktivnosti na edukaciji voznog osoblja sa ciljem poboljšanja profesionalne osposobljenosti uposlenika u svrhu zadovoljenja potreba građana. Također, kontinuirano se vrši anketiranje korisnika naših

usluga kako bi na adekvatan način sagledali sve moguće prijedloge u cilju poboljšanja kvalitete prijevoza i otklanjanja mogućih nedostataka i problema u odvijanju redovnog i kvalitetnog prijevoza.

U proteklih 12 mjeseci kompanija Centrotrans uložila je značajna sredstva u kupovinu autobusa koji mogu zadovoljiti potrebe naših korisnika prijevoznih usluga. Izvršili smo nabavku još 14 autobusa, od toga 3 minibusa i 11 autobusa.

Želimo istaknuti da je Centrotrans uložio znatna sredstva u softver i opremu za Sistem elektronske naplate karata sa kojim su opremljeni svi autobusi naše kompanije. Uvođenjem ovog sistema naplate našim putnicima smo obezbjedili dodatne pogodnosti kroz jednostavniji pristup i način kupovine karata, plaćanje prijevoza bankovnim karticama, praćenje autobusa putem mobilne aplikacije i dr. Doprinos elektronske naplate se ogleda i u smanjenju zadržavanja i rada autobusa prilikom ulaska putnika na stajalištima i smanjenju emisije štetnih gasova.

Također naglašavamo da smo obezbjedili aplikaciju CentroCard putem koje naši korisnici mogu pratiti kretanje autobusa i u svakom momentu imati informaciju gdje se isti nalazi te ostale informacije i novosti iz naše kompanije. Putem ove aplikacije putnici mogu vršiti dopunu prijevoznih karata. Sa zadovoljstvom vas informišemo da je nova Centrotrans mobilna aplikacija za kupovinu autobuskih karata za domaće i inostrane linije zvanično dostupna za preuzimanje putem Google Play i Apple App Store platformama. Aplikacija je razvijena s ciljem da našim putnicima omogući jednostavniju, bržu i praktičniju kupovinu autobuskih karata, kao i lakše upravljanje njihovim putovanjima. Putnici ostvaruju 5% popusta na kupovinu karata putem aplikacije.

Na osnovu zahtjeva koji nam je uputila općina Vogošća u vezi sa nedostatkom organizovanog javnog prevoza na području naselja Rosulje izvršena je modifikacija reda vožnje na liniji Sutjeska – Vogošća, na način da se izvršila izmjena itinerera, tako što određeni polasci saobraćaju kroz naselje Rosulje. Na ovaj način olakšano je svakodnevno funkcionisanje, posebno učenicima, zaposlenima i starijim sugrađanima koji se oslanjaju na javni prijevoz.

Također, na osnovu zahtjeva građana, provedena je modifikacija minibuske linije Sutjeska – Orahov brijeg na način da su u red vožnje uvedeni polasci u dane vikenda.

Realizirana je i modifikacija registrovanog reda vožnje na autobuskoj liniji broj 22a Stup – Vogošća, uvođenjem stajališta "Donja Jošanica" u smjeru Vogošća – Stup u red vožnje.

Ističemo da Centrotrans sve polaske na kantonalnim linijama održava prema registrovanom redu vožnje. Posebna pažnja se posvećuje kvalitetu i čistoći vozila, kao i ophođenju sa korisnicima usluga o čemu svjedoče brojne pozitivne reakcije putnika.

Opredjeljenje oko 3.200 građana Općine Vogošća koji kupuju mjesečne karte i svakodnevno s našim autobusima putuju do krajnje destinacije, govori o tome da isti imaju povjerenje u našu kompaniju i njene uposlenike.

Nadamo se da su građani općine Vogošća, kao i drugi korisnici naših usluga, prepoznali napore menadžmenta i uposlenika Centrotransa u obezbjeđenju ugodnog, udobnog i sigurnog prijevoza putnika na svim destinacijama i linijama koje održavamo. Centrotrans će učiniti sve kako bi naša usluga, u narednom periodu bila kvalitetnija i na većem nivou.

3. PRIJEDLOZI

Pored aktivnosti koje poduzimamo kao prijevoznik, mišljenja smo da je neophodno da Ministarstvo saobraćaja Kantona Sarajevo kao i nadležnih organa općine Vogošća poduzmu potrebne aktivnosti u cilju povećanja broja linija i poboljšanja prijevoza putnika na području ove općine.

Također, radi poboljšanja sigurnosti putnika i brzine kretanja prijevoznih sredstava neophodno je poduzeti potrebne radnje kako bi se uredila putna infrastruktura - saobraćajnice, izgradnja i održavanje autobusnih stajališta, kružni tokovi i vremenska ograničenja semafora. Sve ovo trebalo bi biti sastavni dio Studije potreba za javnim prijevozom na području općine Vogošća a koja bi obuhvatila sva naseljena mjesta Općine.

U cilju poboljšanja prijevoza građana predlažemo da Općinsko vijeće Vogošća uputi zahtjev nadležnim kantonalnim organima i to:

- ✓ Uvođenje jedinstvenog tarifnog sistema za javni gradski prijevoz putnika na području Kantona Sarajevo, zasnovan na ekonomskim principima, a koji neće preferirati niti diskriminirati niti jednu kategoriju putnika ili prijevoznika koji vrše tu uslugu.
- ✓ Organizirati i sprovesti ankete putnika kojom će se utvrditi nivo njihovog zadovoljstva prijevoznim uslugama koje prijevoznici pružaju građanima općine Vogošća.
- ✓ Otvaranjem novih linija obezbjediti redovan, siguran i kvalitetan prijevoz građana.

Ukoliko bi se iznašlo rješenje za naprijed navedene probleme, u budućnosti sigurno možemo očekivati kvalitetniju prijevoznu uslugu građanima općine Vogošća, što u stvarnosti i jeste cilj Centrotansa.

Općinskom Vijeću, Načelniku i svim službama općine Vogošća zahvaljujemo na korektnoj suradnji i istrajavanju da se na kvalitetan način uredi oblast prijevoza putnika kako na području općine Vogošća, tako i Kantonu Sarajevo.

S poštovanjem.

DIREKTOR GRADSKOG I PRIJEVOZNOG SAOBRAĆAJA

dipl.ing. ~~većer~~ mailhod@ic

